

回族和中国伊斯兰教古籍资料汇编

回族和中国伊斯兰教古籍资料汇编

真回老人著

清真大字

清真堂板

弁言

參茲大學義理精詳直達本原  
特明

真

一顯正道之光明驅異端之訛  
謬靜則具于胸中用則彌于宇  
宙貫微塵而不細括天地而不

廣掃除色相劈破空無本因全  
復明德之源導引歸真之路由  
此則脫離幻海復回來岸較之  
弘道興倫綱常大典孰有愈于  
此乎果欲演說清真闡斯玄妙  
非其人必不能解不應受亦不

能受誠得斯人始弘斯道何也  
非其人而解者若玉面之加脂  
反累其本色非彼自不盡心較  
之才力止此而已不應授而授  
之如錦衣之傀儡外雖華美內  
本空戶若無提携豈能自運動

哉夫以金鰩之餌欲釣池底之魚不特不吞其釣更且驚怖而逃耳然則十室之邑尚有忠信百里萬區豈無賢侶大都明者自明晦者自晦惜乎真知定見者寡隨波流蕩者多不辨是其

以耳代目詳夫衆好之必察焉  
衆惡之必察焉蓋因此輩而發  
也但期正人君子體念忠誠叅  
求至道明心胸而大眼界鎔俗  
見而掃臆說踐迹真傳方有正  
得似此磋磨始知極大之証明

頓悟當身之古冊庶幾不負作者之婆心更闡清真之至道矣

清真鄙人題

清真大學

目錄

題綱

統說

真一

三品

本然第一章

本分第二章

本爲第三章

數一

三品

元勳第一章

代理第二章

代書第三章

體一三品

知認第一章

見切第二章

續解第三章

總論二十一。兼言造化。教門。  
性命。生死。空無等事。

清真大學

真回老人註

題綱

統說

大學正宗。作證之言。特明  
主僕至大之理。

真一

數一之殊。故首明單另之。  
一。乃造化天地萬物之

真主而與天地萬物無于茲爲無始之原有也。數一乃天地萬物之原始故能代理天地萬物因其原始所以稱爲首僕因其代理所以謂之至聖謂之欽差茲爲有始之原宗因其受命而有也原夫清真至要必先

真主首僕分明始能定證

顯一

數一所謂

真主者。

缺一而能有無不任憑首僕者。

數一而受命毫無自用非比君臣父子不過時節聲名其實不能自主何也間有子賢于父臣轉爲君國家成敗互相反復蓋因同類故耳至于性命生死賢愚夭壽老幼妍媸此皆當身至要君親略不能由天地無非蓋載況其身之外乎須知權衡宇宙衣祿萬生惟有

默一

真主包羅當下始終。設以倫綱同類之禮。施于  
主僕至大之間。較之清真。豈不大相紊矣。是故  
主僕分明。

真數一定。然後始知明德之源。知明德之源。而後  
明明德。明德明而後真知。真知而後知已。知已  
而後心正。心正而後意誠。意誠而後舌定。舌定  
而後身修。身修而後家齊。家齊而後國治。國若

不治由家不齊家不齊由身不修身不修由舌  
不一舌不一由意不誠意不誠由心不正心不  
正由不知已。不知已由知不真知不真由明德  
不明明德不明由不知明德之源不知明德之  
源由不辨

真一

數一不辨

真一

數一由不明

務本窮源

如此

未見聞

清白自

主僕至大之理。不明。

主僕至大之理雖有萬行。何足論乎。何也。因彼根

本不清。其枝節必不清矣。是故此書直指源頭。  
明其大本。使天下正人不悞于歧途。不惑于疑  
似。而有所取証焉。須知此極大正務爲仰歎証  
于人初因。

真主將已之重托顯于天地海山。及所有諸物。皆歸